

四庫全書

子部

欽定四庫全書

子部

冊府元龜卷九百六十二

詳校官中書臣賈鉞

侍讀臣孫球覆勘

總校官庶吉士臣何思鈞

校對官庶吉士臣毛鳳儀

謄錄監生臣劉灃

欽定四庫全書

冊府元龜卷九百六十一

宋 王欽若等撰

外臣部

土風第三

天竺國一名身毒在月氏東南數千里俗與月氏同而
卑溼暑熱其國臨大水乘象而戰其人弱於月氏修浮
圖道不殺伐遂以成俗

浮圖
佛也

土出象犀瑇瑁金銀銅鐵

鉛錫西與大秦通有大秦珍物又細布好氍毹諸香石

蜜胡椒薑黑鹽一說其俗佛道所興也人民敦龐土地
饒沃其王號茂論所都城郭水泉分流統于渠塹下注
江其宮殿皆雕文鏤刻街曲市里屋舍樓觀鐘鼓音樂
服飾香華水陸通流百賈交會竒玩珍瑋恣心所欲左
右喜維舍衛葉波等十六大國去天竺或二三千裡共
尊奉之以為在天地之中也南天竺國有伏醜城出摩
尼珠珊瑚城東有拔賴城出黃金白旃檀石蜜葡萄土
宜五穀中天竺國其俗土著與月支同而地卑溼暑熱

稻歲四熟苗甚長茂沒於駝馬出獅子豹獐橐駝犀象
有火齊如雲母而色紫精者薄如蟬翼馬有金剛似紫
石英百鍊不銷可以切玉又有旃檀鬱金香甘蔗諸
果出石蜜黑鹽通於大秦故其實或至扶南交趾貿易
馬俗無簿籍以龜貝為貨尤能幻化禁咒或能咒龍以
致雲雨丈夫致敬極者舐足摩踵而致其辭家有奇樂
倡伎其王與大臣多服錦罽王為螺髻於頂餘髮剪之
使拳大夫剪髮穿耳垂璫或以金龍懸於耳耳緩者為

上俗皆徒跣衣重白色婦人以金銀真珠瓔珞掛頭項死者或焚屍取灰以為浮圖或委之中野以施禽獸或流之於河以餉魚鼈無服制之差喪紀之數謀反者幽殺之小犯罰錢贖罪不孝則斷手刖足截耳割鼻放流邊外其人柔弱怯於戰鬥有弓箭甲稍亦有飛梯地道木牛馬之法有文字善天文算歷之術人皆學悉量章云是梵天法書於貝多樹葉以記事然尤脩浮圖道不殺生飲酒修戒數百特信盟誓國中往往有佛舊迹存

焉

康居國在天竺東南三千里其土氣物類與天竺同男女皆長八尺而怯弱乘象駱駝往來隣國有寇乘象以戰

粟弋國屬康居出名馬牛羊葡萄衆果其土水美故葡萄酒特有名焉

嚴國在奄蔡北屬康居出鼠皮以輸之

阿蘭聊國

前漢奄蔡國也

地屬康居土氣溫和多楨松白草民

俗衣服與康居同

蒲類國居天山西疏榆谷廬帳而居逐水草頗知田作畜有牛馬駱駝羊能作弓矢出好馬

移支國居蒲類地其人勇猛敢戰以寇鈔為事皆被髮隨畜逐水草不知田作所出皆與蒲類同

東且彌國其俗廬帳居逐水草頗知田作其所出亦與蒲類同所居無常

白馬氏地險阻有麻田出名馬牛羊漆蜜氏人勇戇抵

冒貪貨死利居於河池一名仇池方百頃四面斗絕

仇池

山在今成州上祿縣南仇池縣界本名仇維山上有池故曰仇池山在倉雒二谷之間常為水所衝激故下石而上土形似覆壺仇池記曰仇池百頃周回九千四百步天形四方壁立千仞自然樓櫓卻敵分置調均踈起數丈有踰人工仇池凡二十三道可手緣而上東西二門盤道下至上凡有七里上則岡阜低昂泉流交灌鄴道元注水經云羊腸盤道三十六回開山圖謂之仇夷所謂積石嵯峨嶽峯隱阿者也上有平田百頃煮土成鹽因以數為邊寇郡縣討之則依固自守無貴賤百頃為號也

皆為板屋土墻所治處名格谷蠻俗衣布徒跣或椎髻或剪髮兵器以金銀為飾虎皮衣楯便弩射皆暴悍好

寇賊馬

滑國車師之別種也土地溫暖多山川樹木五穀國人以麩及羊肉為糧其獸有獅子兩脚駱駝野驢有角人皆善騎射著小袖長身袍用金玉為帶女人被裘頭上刻木為角長六寸以金銀飾之少女子兄弟共妻無城郭氈屋為居東向開戶其王坐金牀隨太歲轉與妻並坐接客無文字以木為契與旁國胡為胡書草皮為紙無職官事天神火神每日則出戶祀神而後食其跪一

拜而起塋以木為槨父母死其子截一耳塋訖即吉其
言語待河南人譯然後通

古柯國胡密丹國檀國皆滑旁小國也衣服容貌皆與
滑同

白題國在滑國東去滑六日行西極波斯土地出粟麥
瓜果食物畧與滑同

烏菴國在中天竺南一名烏仗那百姓殷實人性懦弱
頗詭詐尤攻禁咒之術篤信佛法言語文字禮義法式

畧同天竺而弗之及也一說多解天文吉凶之數其王
動則訪決焉土多林果引水灌田豐稻麥事佛多諸寺
塔事極華麗人有爭訴服之以樂曲者發狂直者無恙
為法不殺犯死者唯徙於靈山西南有檀特山上立
寺以驢數頭運食山下無人控御自知往來

乾陀國在烏菴西本名業波有鬪象七百頭十人乘一
象皆執兵仗象鼻縛刀以戰

獅子國天竺旁國也其地和適無冬夏之異五穀隨人

所種不須時節國中有王以一善化人其樓閣皆以七寶裛晃耀街巷人衆熾盛每于晨朝警鼓曉羣迷常勸念佛破諸衆生無明黑闇常說空理離於物外以清淨學道為務不著於聲不著於香無量得道之處一說在西海之中延袤二千餘里多出奇寶本鬼神居之商人到則不見但置寶物價於洲上商人依價買之而去其後鄰國人居之能馴養獅子遂以名國風俗與婆羅門同而尤敬佛法

吐谷渾在青海西其國西有黃沙洲南北一百二十里
東西七十里不生草木沙洲因此為號屈真川有鹽地
甘谷嶺北有雀鼠同穴或在山嶺或在平地雀色白鼠
色黃地生黃紫花草便有雀鼠穴

白蘭土出黃金銅鐵其國雖隨水草大抵治慕賀川以
肉酪為糧頗識文字其男子通服長裙帽或戴罽羅婦
人以金花為首飾辮髮縈後綴以珠貝其婚姻富家厚
出聘財竊女而去父卒妻其羣母兄亡妻其諸嫂喪服

制糞訖而除國無常稅調用不給輒歛富室商人取足
而止殺人及盜馬者罪至死他犯則徵物以贖地宜大
麥而多蔓菁頗有菽粟出蜀馬羸牛西北有流沙數百
里夏日有熱風為行旅之患風之所至唯老駝豫知之
即鳴而聚立埋其口鼻於沙中人每以為候即將氈擁
蔽鼻口其風迅駛斯湏過盡若不防者必致危斃

党項羌三苗之後東接臨洮西平西拒葉護處山谷間
其俗服裘褐被氈以為上飾俗尚武力無法令各為生

業有戰陣則相屯聚無徭賦不相往來牧養麇牛羊猪以供食不知稼穡其俗淫穢烝報於諸夷中冢為甚無文字但候草木以記歲時三年一聚會殺牛羊以祭天人年八十以上死者以為令終親戚不哭少而死者則云天札共悲哭之有琵琶橫吹擊缶為節

高昌國蓋車師之故地也南接河東連燉煌西次龜茲北鄰勅勒置四十六鎮交河田地高寧臨川橫截柳婆浹林新興繇寧始昌篤進白刀等皆其鎮名國人言語

與中國畧同有五經歷代史諸子集面類高麗辨髮垂
之於背着長身小袖袍縵襠袴女子頭髮辮而不垂著
錦襯瓔珞環釧婚姻有六禮其地高燥築土為城架木
為屋土覆其上寒暑與益州相似備植九穀人多噉麩
及牛羊肉出良馬葡萄酒石鹽多草木草實如繭繭中
絲如細纊名為白氈子國人多取織以為布甚軟白交
市用焉有朝烏者旦旦集王殿前為行不畏人日出然
後散去一說男子胡服婦人裙襦頭上作髻其風俗政

今與華夏略同地多磧氣候溫暖穀麥再熟宜蠶多五
果有草名為羊刺其上生蜜而味甚佳出赤鹽如朱白
鹽如玉多葡萄酒俗事天神兼信佛法國中羊馬牧於
隱僻之處以避外寇非貴人不知其所北有赤石山山
北七十里有貧汙山下有積雪此山之北鐵勒界也從
武威西北有捷路渡沙磧千餘里四面茫然無有蹊徑
欲往者尋有人畜骸骨而去路中或聞歌哭之聲行人
尋之多致亡失蓋魑魅魍魎也故商客往來多取伊吾

路

康國者康居之後遷徙不常其地有胡律置於祆祠決
罰則取而斷之重罪者族次重者死賊盜截其足人皆
深目高鼻多鬚髯有大小鼓琵琶五絃箜篌笛婚姻喪
制與突厥同國立祖廟以六月祭之諸侯皆來助祭俗
奉佛為胡書氣候溫宜五穀勤修園蔬樹木滋茂出馬
駝驢封牛黃金鏡沙貳香阿薩那香瑟瑟麋皮氍毹錦
氈多葡萄酒富家或致千石連年不敗丈夫剪髮或辮

髮其王冠羶帽飾以金寶婦人盤髻幪以皂巾飾以金花人多嗜酒好歌舞於道路生子必以石蜜內口中以膠置掌內欲其成長口常甘言持錢如膠之黏物俗習胡書善商賈爭分銖之利男子年二十即遠之旁國來適中夏利之所在無所不到以十二月為歲首有婆羅門為其占星候氣以定吉凶頗有佛法至十一月鼓舞乞寒以水相潑盛為戲樂

似盤國與康國隣出好馬

瑟匿國北接石國其俗不好商賈風俗並畧與康國同
焉

安國風俗同於康國唯妻其姊妹及母子遞相禽獸此
為異也

石國其俗正月六日七月十五日以王父母燒餘之骨
金甌盛之置于牀上巡遶而行散以花香雜果王率臣
下設祭焉禮終王與夫人出就別帳臣下以次列坐享
宴而罷有粟麥多良馬其俗善戰

女國在葱嶺之南以女為王每居層樓侍女數百王日
一聽政其王死若無女嗣位國人請歛金錢得數百萬
還死王之族買女而立之其地五男三女俗貴女子賤
丈夫婦人為吏職男子為士女子貴者則多有侍男男
子不得有侍女雖賤庶之女盡為家長猶有數夫焉生
子皆從母姓男子被髮以青綠塗面婦人辮髮而縈之
以皮為鞋課稅無常氣候多寒以狩獵為業出鍮石朱
砂麝香羆牛駿馬蜀馬尤多鹽常將鹽向天竺興販其

利數倍

鏃汗國古渠搜國也其王坐金羊牀妻戴金花俗多朱砂金鐵

吐火羅國在葱嶺西與悒怛雜居勝兵共五萬其國土多男子少婦人故兄弟通室婦人五夫則角飾戴五角十夫則戴十角男子無兄弟者則與他人結為昆季方始得妻不然者終身無婦矣被服文字與于闐略同城北有屋數頗梨山南崖穴中有神馬國人每牧牝馬於

其側時產名駒皆汗血多善馬有屋宇雜以穹廬著小袖袍小口袴大頭長裙帽女子被髮為辮其地與益州隣嘗通同商賈民慕其利多往從之教其書記為之辭譯稍桀黠矣一說多畜逐水草無城郭後稍為宮室而人民猶以氈廬百子帳為行屋地常風寒人行平沙中沙礫飛起行迹皆滅肥地則有雀鼠同穴生黃紫花瘦地輒有瘴氣使人斷氣牛馬得之疲汗不能行

宕昌國在河南國東本西羌種也俗皆土著居有棟宇

其屋織毳牛尾及殺羊毛覆之國無法令又無徭賦唯
征伐之時乃相屯聚不然則各生業不相往來皆衣裘
褐牧養羴牛羊豕以供其食父子伯叔兄弟死者即以
其繼母世叔母及兄弟婦子婦為妻俗無文字但候草
木榮落以記歲時三年一聚殺牛羊以祭天

鄧至國居西涼州界羌別種也其俗呼帽曰突何其衣
服與宕昌同

武興國本仇池其國東連秦嶺西接宕昌去宕昌八百

里南去漢中四百里北去岐州三百里去長安九百里
本有十萬戶世世分減其大姓有苻氏姜氏言語與中
國同著烏皂突騎帽長身小袖袍小口袴皮鞞地植九
穀婚姻備六禮知書疏種桑麻出紬絹精紈漆蠟椒等
山出銅鐵

西戎踈勒國在姑墨西白山之南百餘里漢時舊國也
其王戴金獅子冠土多稻粟麻麥銅鐵錦綿人手足皆
六指產子非六指者即不育俗事祆神有胡書文字

者至拔國在踈勒西其國東有潘賀那山出美鐵及獅子

悉密國在者至西其國東有山名郁悉蒲山出金玉多鐵

悉萬斤國在悉密西其國南有山名伽邑那山出獅子吐呼羅國在悉萬斤東土宜五穀有好馬駝騾伽不單國在悉萬斤西北土平宜稻麥有五果色知顯國在悉萬斤西北土平多果

伽色尼國在悉萬斤南土出赤鹽多五果

薄知國在伽色尼南多五果

牟知國在忸密西南

忸密無土風

土平禽獸草木類中國

諾色波羅國在忸密南土平宜稻麥多五果

早伽至國在忸密西平土少田殖取稻麥於隣國有五果

阿弗大汗國在忸密西土平多五果

呼似密國在阿弗大汗西土平出銀琥珀有獅子多五

果

疊伏羅國有勿悉城城北有鹽竒水西流有白象并有
阿未黎波波中織作布土宜五穀

拔豆國出金銀雜寶白象水牛犛牛葡萄五果

副貨國在沒隨國東

沒隨無土風

宜五穀葡萄唯有馬駝驪

波斯國大月氏之別種都宿利城其王姓波斯氏坐金
羊牀戴金花冠衣錦袍織成帔飾以真珠寶物其俗丈
夫剪髮戴白皮帽貫頭衫兩肩近下開之并有巾帔緣

以織成婦人服大衫披大帽帔其髮前為髻後被之飾以金花仍貫五色珠絡之於膊王於其國內別有小牙十餘所猶中國之離宮也每年四月出遊處之十月乃還王即位以後擇諸子內賢者密書其名封之於庫諸子及大臣皆莫之知也王死乃衆共發書視之其封內有名者即以為王餘子各出就邊任兄弟更不相見也兵器有甲稍圓排劍弩弓箭戰並乘象百人隨之其刑法重罪懸諸竿上射而殺之次則繫獄新王立乃釋之

輕罪則劓刑若髡或剪半鬢及繫排於項以為恥辱犯
強盜者禁之終身姦貴人妻者男子流婦人割其耳鼻
賦稅准地輸銀錢俗事火天神婚合亦不擇尊卑諸夷
之中最為醜穢矣民女年十歲以上有姿貌者王收養
之有功勲人即分賜死者多棄屍於山一月治服城外
有人別居唯知喪葬之事號為不淨人若入城市搖鈴
自別以六月為歲首尤重七月十七日十二月一日民
庶以上各相命名設會作樂以極歡娛又以每年正月

二十日各祭其先者氣候暑熱家自藏冰地多沙磧引
水溉灌其五穀及禽獸等與中夏畧同唯無稻及黍秫
土出名馬及駝富室至有數千頭者又出白象獅子大
烏卵真珠玻瓈珊瑚琥珀瑠璃瑪瑙水精瑟瑟金銀礪
石金剛火齊鑛鐵銅錫朱砂銀綾錦氎氎氎氎氎氎玄麁
皮及薰陸鬱金蘇合青木香等胡椒畢撥石蜜千年棗
香附子訶梨勒無食子鹽綠雌黃等物一說西去城十
五里有土山山中有鷲鳥噉羊土人極以為患國中有

優鉢曇華鮮華可愛出龍駒馬鹹池生珊瑚樹長一二尺亦有琥珀瑪瑙真珠玫瑰等國內不以為珍市買用金銀婚姻法下聘訖女壻將數十人迎婦壻著金線錦袍師子錦袴戴天冠婦亦如之婦兄弟便來捉手付託夫婦之禮於茲永畢

伏盧尼國在波斯國北東有大河南流中有鳥其形似人亦有如橐駝馬者皆有翼常居水中出水便死城北有云尼山出銀珊瑚琥珀多獅子

附國在党項西南數千里重罪者死輕罪者罰牛人皆輕捷便擊劒漆皮為牟甲弓長六尺以竹為弦妻其羣母及嫂兒弟死父兄亦納其妻好歌舞鼓黃吹長笛有死者無服制置屍高牀之上沐浴衣服被以牟甲覆以獸皮子孫不哭帶甲舞劒而呼云我父為鬼所取我欲報冤殺鬼自餘親戚哭三聲而止婦人哭必以兩手掩面死家殺牛親屬以猪酒相遺共飲噉而瘞之死後十年而火葬其葬必集親賓殺馬動至數十匹立其祖父

神而事之其俗以皮為帽形圓如鉢或戴罽毼衣多毛
毼皮裘全剝牛脚皮為靴項繫鐵鑲手貫鐵釧王與酋
帥金為首飾胷前懸一金花徑三寸其土高氣候涼多
風少雨土宜小麥青科山出金銀多白雉水有嘉魚長
四尺而鱗細

朱俱波國在葱嶺北二百里漢之舊地也其俗盛崇佛
法文字同於婆羅門

吐蕃國本漢西羌之地雷雨風雹霰雪每隔日有之夏

節氣如中土暮春之月山有積雪其草細不過三寸牛馬皆食之地有冷瘴令人氣急不甚為害其俗重漢繒而貴男女用為首飾而白蘭等並臣焉其君長或居跋布川或居邏些有小城而不居坐大氊帳連帳號大拂廬其拂可坐數百人兵衛極嚴而衙府甚狹西南通泥婆羅門國卑實茲焉其百姓皆居小拂廬而無分別俗養牛羊取乳酪用供食兼取毛為褐而衣焉不食驢馬肉以麥為麪家不全給人死殺牛馬以殉取牛馬頭周

壘於墓上其墓正方累石為之狀若平頭屋焉其臣與君自為友號曰共命人其數不過五人君死之日共命人皆日夜縱酒葬日於脚下針血盡乃死便以殉葬復有親信人用刀當腦縫鋸或有將四尺木大如拍刺兩肋下死者十有四五亦殉葬焉其設官父死子代絕嗣近則親襲焉非其種類輒不相伏大畧其冠章飾有五等一謂瑟瑟二謂金三謂金飾銀上四謂銀五謂熟銅各以方圓三寸褐上裝之安膊前以別貴賤其戰必下馬

列行陣死則遮收之終不肯退槍細而長於漢者弓矢弱堅人皆用劔不戰負劔而行俗重戰死戰死者其墓周迴白土泥之不與諸墓連接其驛以鐵箭為契其箭長七寸若急驛膊前加著一銀鵲更急其鵲至十二三每驛百餘里隨水草而居不常厥所有草名蓮古芒葉長二寸狀若斜蒿每莖不過三四葉其莖蔓其花黃其根連珠如麥門冬味酸性微冷有鼠尾長於常鼠每三二十同一穴至秋後衆鼠收此草根為歲多者至數石

俗常掘草根而食而留給鼠糧其國禁殺鼠殺鼠者輒
加其罪俗亦愛而不殺有庶服泉諸山川亦遍出泉其
泉口大者丈餘小者一二尺水深尺餘其馬歷泉口行
止之勇不失脚與漢戰輒引入此地漢馬顛躓因而敗
績有青海去城五百里周迴四百里傍土平沃多植麥
在吐谷渾西南其春夏軍糧資海魚以給有可跋海去
赤嶺百里方圓七百里水苦不可飲有犛牛河濶一里
岸峻流入蠻西洱河合流東號為漾鼻水又東南出會

川為瀘水焉有葳河去邏些三百里東南流衆水湊焉
南入崑崙國其中有魚似鱒而無鱗州渚法之有水柳
及攝木生焉其流不急自赤嶺至邏些川無樹木唯鉢
川三十里緣山有枯樹邏些川三百里有柳枯樹酸棗
等皆蟠屈不條茂有雪厚三尺周迴三十里山下有水
湧其俗云山下有人居未嘗輒見有鑠河去長安五千
里其水有石號曰溫湯其石狀如肝方圓數尺河水冷
石面有穴六寸湯水湧出其中流入河其石熱其湯沸

輒不可近所留處名並爛湯中有蟲狀如馬尾色赤長
半寸有鵲莽山去長安六千里餘其國因險而為防焉
其山西八里狀若三峽其中水流聲若雷霆人語不相
聞其山遠而望之色黃而白無草木兩岸有石壁一處
瀑流自山顛飛下可百餘尺激一縣石似飄粉焉其俗
刺木結繩其兵以金為鍔寇至舉烽而應之重戰沒者
為甲門奔敗者加狐尾于首以示終身之恥自其王棄
宗弄贊唐太宗貞觀後吞併諸蕃地方千里每十節度

置一上相統之自號吐蕃為寶髻爵位則以寶珠大瑟
瑟小瑟瑟大銀小銀大礮石小礮石大銅小銅等為告
身以別高下重君臣之義輕父子之道用政嚴酷人無
敢違事無大小必出於宰相便宜從事故國風大理而
飲酒者不得及亂女子無敢干政然縉徒之間或有專
柄者好咒誓而多疑忌敬信釋氏諛鬼神貴壯賤老倨
父傲母惟以淬礪為業罕務耕耘不喜病疾尤惡瘡痍
出疆之費亦無定給而臨陣所得便為己有所以戰伐

吞併往必成功

北狄匈奴居于北邊隨草畜牧而轉移其畜之所多則

牛馬羊其奇畜則橐駝驢羸馱駟騊駼奚

馱駟駞馬
騊駼馬類

生北海驛奚騾驢類也駝音徒何切馱
音決馱音提駟音挑駼音徒驛音顛

逐水草遷徙無

城郭常居耘田之業然亦各有分地

分音扶
問切

無文書以

言語為約束兒能騎羊引弓射鳥鼠

言其幼
小能射

少長則射

狐兔

少長言
漸大

肉食

言無米粟
唯食肉

士力能彎弓盡為甲騎其

俗寬則隨畜因射獵禽獸為生業急則人習戰攻以侵

伐人

習之

其天性也其長兵則弓矢短兵則刀鉞

音蟬鐵把

小利則進不利則退不羞遁走苟利所在不知禮義自

君王以下咸食畜肉衣其皮草被旃裘壯者食肥美老

者飲食其餘貴壯健賤老弱父死妻其後母兄弟死皆

取其妻妻之其俗有名不諱而無字歲正月諸長少會

單于庭祠五月大龍城祭其先天地鬼神秋馬肥大會

蹕林課較人畜計

蹕音帶繞林木而祭也鮮卑之俗自古相傳秋冬之祭無林木者尚豎柳

枝束騎祭遠三周乃止此其遺法計者人畜之數

其法拔刃尺者死坐盜者沒

入其家有罪小者軋

軋謂輾轉其骨節若今之厭蹀者也軋音於黠切輾音女展切

大者死獄久者不滿十日一國之囚不過數人而單于

朝出營拜日之始生夕拜月其坐長左而北向

左者以左為尊

日上戊己其送死有棺槨金銀衣裳而無封樹喪服近

幸臣妾從死者多至數十百人

或數十人或百人

舉事常隨月

盛壯以攻戰月虧則退兵其攻戰斬首虜賜一卮酒而

所得鹵獲因以予之得人以為奴婢故其戰人人自為

趨利

趨讀曰趨趨向也

善為誘兵以包敵

包裹取之

故其逐利如鳥

之集其困敗瓦解雲散矣戰而扶輦死者盡得死者家財

烏桓國本東胡也俗善騎射弋獵禽獸為事隨水草放

牧居無常處以穹廬為舍東開向日食肉飲酪以毛毳

為衣

毛之縠細者為毳

貴少而賤老其性悍塞

悍勇也塞謂不開

怒則

殺父兄而終不害其母以母有族類父兄無相仇報故

也有勇健能理決鬪訟者推為大人無世業相繼邑落

各有小帥數百千落自為一部大人有所台呼則刻木

為信雖無文字而部衆不敢違犯氏姓無常以大人健者名字為姓大人以下各自畜牧營產不相徭役其嫁

娶則先畧女通情

不以道娶為畧

或半歲百日然後送牛馬羊

畜以為聘幣婿隨妻還妻家無尊卑旦旦拜之而不拜其父母為妻家僕役一二年間妻家乃厚遣送女居處財物一皆為辦其俗妻後母報寡嫂死則歸其故夫計謀從用婦人唯鬪戰之事乃自決之父子男女相對踞蹲以髡頭為輕便婦人至嫁時乃養髮分為髻著白決

飾以金碧猶中國有箇步搖

箇音吉悔切或為幪婦人首飾也皇后首飾有垂珠

步則搖之

婦人能刺韋作文繡織氈毼

氈音力干切毼音曷罰也

男女能

作弓矢鞍勒鍍金鐵為兵器其土地宜稌及東穡東穡

似蓬草實如稌子至十月而熟見禽獸孕乳以別四節

俗貴兵死歛屍以棺有哭泣之哀至葬則歌舞相送肥

養一犬以綵纓牽并取死者所乘馬衣服皆燒而送之

言以屬累

音蜀類猶付託也

犬使護死者神靈歸赤山赤山在

遼東西北數千里如中國人死者魂神歸岱山也敬鬼

神祠天地日月星辰山川及先大人有健名者祠用牛羊畢皆燒之其約法違大人言者罪至死若相賊殺者令部落自相報不止詣大人告之聽出馬牛羊以贖死其自殺父兄則無罪若凶畔為大人所捕者邑落不得受之皆徙逐於雍狂之地地無山有沙漠流水草木多蝮蛇

鮮卑者東胡之支也其言語習俗與烏桓同唯婚姻先髡頭以季春月大會於饒樂水上

在今營州北

飲宴畢然後

配合又禽獸異於中國者野馬羆羊角端牛以角為弓

俗之角端弓者

羆羊似吳羊而大角出西方

又有貂豹鼯子皮毛柔

輦

豹音女骨切鼯音胡昆切
貂鼯並鼠屬豹猴屬也

故天下以為名裘

突厥世居金山其俗畜物為事兵器有弓矢鳴鏑甲稍

刀劍其佩則兼有伏突旗纛之上施金狼頭侍衛之士

謂之附離夏言亦狼也蓋本狼生志不忘舊其徵發兵

馬及科稅雜畜輒刻木為數并一金鍬箭蠟封印之為

信契其刑法反叛殺人及姦人之婦盜馬絆者皆死奸

人女者重責財物即以其女妻之鬪傷人者隨輕重輸物盜馬及財物者各十餘倍徵之死者停屍於帳子孫及諸親屬男女各殺羊馬陳于帳前祭之繞帳走馬七匝一詣帳門以刀斃面且哭血淚俱流如此者七度乃止擇日取亡者所乘馬及經服用之物并屍俱焚之收其餘灰待時而葬春夏死者候草木黃落秋冬死者候華葉榮茂然始坎而瘞之瘞之日親屬設祭及走馬斃面如初死之儀壆訖於墓所立石建標其石多少依平

生所殺人數以祭之羊馬頭盡懸挂於標上是日也男子咸盛服飾會於塋所男有悅愛於女者歸即遣人聘問父母多不違也父兄伯叔死者子弟及姪等妻其後母世母嫂唯尊者不得下淫雖遷徙無常而各有分地可汗常處於都斤山牙帳東開蓋敬日之所出也每歲率諸貴人祭其先窟以五月中旬集他人水拜祭天神於都斤西五百里有高山迥出上無草木謂為勃外凝黎夏言地神也其書字類胡而不知年歷唯以草青為記其

主初立近侍重臣等與之以氈隨日轉九迴每一迴臣下皆拜訖乃扶令乘馬以帛絞其頸使纔不至絕然後釋而急問之曰你能作幾年可汗其主既神情瞋亂不能詳定多少臣下等隨其所言以驗修短之數一說男子好樗蒲女子蹴鞠飲馬酪取醉歌呼相對敬鬼神信巫覡重兵死而恥病終大抵與匈奴同俗

西突厥居無常處多在烏孫故地其俗每五月八月相聚祭神歲遣重臣向其先世所居之窟致祭焉

稽胡一曰步落稽蓋匈奴之別種其俗土著亦知種田地少桑蠶多衣麻布其丈夫衣服及葬殯與中夏略同婦人則多貫蜃貝以為耳頸飾又與華民錯居其渠帥頗識文字然語類夷狄因譯乃通蹲踞無禮貪而忍害俗好淫穢處女尤甚將嫁之夕方與淫者叙離夫氏聞之以多為貴既嫁之後頗有防閑有犯奸者隨事懲罰又兄弟死者納其妻雖分統部郡縣列於編戶然輕其徭賦有異齊民山谷阻深者又未盡役屬而凶悍恃險數

為寇亂

駁馬國其地在突厥之北漸近北海土地嚴寒至冬積雪樹木不沒者一二尺比暖雪消以馬犁種取魚鹿獺貂灰鼠等肉充食以其皮為衣少鐵器用陶瓦釜及樺木根為盤盃隨水草而居累木似井闌樺皮蓋以為屋土林草蓐而寢處之草盡則移居無定所馬色並駁故以為名一說舉國悉留駟駁馬不乘但取其漣酪充食而已因山而居與結骨不敦相侵伐貌類結骨而言語

不相通其俗隨逐水草無王立小君長以聽焉

結骨部在駸馬國南其人並依水而居身悉長大赤髮
綠睛有黑髮者以為不祥人皆勁勇鄰國憚之其俗大
率與突厥同而婚姻無財聘性多淫洩與外人通者不
忌其壻死莫喪刀斃其面火莫收其骨踰年而為墳墓
有哭泣之禮冬以木為室覆以木皮土宜粟麥稌豆之
屬無果菜有馬出貂天每雨鐵收而用之以為刀劍甚
鈎利其國獵蒐皆乘木馬升降山險追赴若飛

鹽漠念咄六闕俟斤部落及史檐部落並在駁馬東其
兩部土多松樺每年稅貂獺青白三鼠皮以為貢賦
流鬼國邊於北海多沮澤有魚鹽之利地氣沍寒早霜
雪每堅冰之後以木廣六尺長七尺施系其上以踐層
冰逐其走獸俗多狗以其皮毛為裘褐

拔野古在僕骨東其地豐草人皆殷富土多霜雪東北
一千里曰康干河有松木一二年乃化為石其色青有
國人皆居住其人謂之康干石為石以後仍松文人皆

著木脚水上逐鹿以耕種射獵為業國多好馬又出鐵
風俗與鐵勒同而言語稍別焉

鞠國在拔野古東北有樹無草但有地苔無羊馬家畜
有鹿如中國牛馬使鹿牽車可勝三四人衣鹿皮食地
苔其人取木枝為屋尊卑共居其中

俞折國在鞠國東土地廣大百姓衆多風俗與拔野古
同少牛馬地多貂鼠

大漢國在鞠國北地饒羊馬其人極長大長者至一丈

三四尺

芮國亦名芮芮國無城郭隨水草畜牧以穹廬為居辨
髮衣錦小袖袍小口袴深雍鞞其地苦寒七月流澌巨
河國人能以術祭天而致風雪前對皎日後則泥潦橫
流故其戰敗莫能追及或於中夏為之則曠而不雨問
其故蓋以暎云

鐵勒匈奴之苗裔無君長分屬東西兩突厥居無常所
隨水草移人性凶忍善於騎射貪婪尤甚以寇抄為生

近西邊者頗為藝植多牛羊而少馬其俗大抵與突厥同唯丈夫婚畢便就妻家侍產乳男女然後歸舍死者埋殯之此其異也

奚本名羗莫奚俗甚為不潔而善射獵好為寇鈔每與契丹相攻擊虜獲財畜因而得賞死者以葦薄裹尸懸之樹上風俗同於突厥每隨逐水草以畜牧為業遷徙無常居有氈帳兼用車為營牙中常五百人持兵自衛此外部落皆散居山谷無賦稅

契丹之先與庫莫奚異種而同類居黃龍之北數百里其俗與靺鞨同好為寇盜父母死而悲哭者以為不壯但以其屍置於山樹之上經三年之後乃收其骨而焚之因酌而祝曰冬月特向陽食若我射獵時使我多得猪鹿其無禮頑罵於諸夷最甚

南室韋契丹別部也在契丹北三千里土地卑濕至夏則移向西北貸勃欠對二山多草木饒禽獸又多蚊蚋人皆巢居以避其患俗丈夫皆被髮婦人盤髮衣服與

契丹同乘牛車蓬蔭為屋如突厥氈車之狀渡水則束薪為筏或有以皮為舟者馬則織草為鞵結繩為轡寢則屈木為屋以蘆蔭覆上移則載行以猪皮為席婦人抱膝而坐氣候多寒田收甚薄無羊少馬多猪牛造酒食噉與靺鞨同俗婚嫁之法二家相許壻輒盜婦將去然後送牛馬為聘更將婦家待有娠乃相隨還舍婦人不再嫁以為死人之妻難以共居部落共為大棚人死則置屍其上居喪三年唯四哭其國無鐵取給於高麗

多貂兵器有弓楛矢尤善射時聚弋獵事畢而散其人
土著無賦斂或為小室以皮覆上相聚而居至數十百
家剡木為犁不加金刃人牽以種不解用牛夏多霧雨
冬多霜霰畜宜犬豕養豢而噉之其皮用以為韋男子
女人通以為服被髮左衽其家富者項著五色雜珠婚
嫁之法男先就女舍三年役力因得親迎其婦役日既
滿女家分其財物夫婦同車而載鼓舞共歸

北室韋亦契丹別部也氣候最寒雪深沒馬冬則入山

居土穴中牛畜多凍死饒麋鹿射獵為務食肉衣皮鑿
冰沒水中而網射魚鼈地多積雪懼陷坑穿騎木而行
俗皆捕貂為業冠以狐貉衣以魚皮

雷匈奴之別種亦鮮卑故地也人多善射獵好以赤皮
為衣緣婦人貴銅釧衣襟上下懸小銅鈴風俗畧與契
丹同

沙陀突厥在甘州習俗左老右壯溷雜男女畧與吐蕃
同其悍捷便弓馬勝之

昆彌國土地宜稻其俗辮髮左衽被服與突厥畧同相傳云匈奴本兄弟之國也隨逐水草夏居山冬入深谷俗尚戰惡疾終

都播者鐵勒之別種也其俗結草為廬無牛羊不知稼穡土多百合草取其根以為糧

骨利幹居迴紇瀚海之北草多百合地出名馬其馬頭類橐駝筋骨麤壯好者日行四百里其國北又距大海晝長而夕短日沒後天色正曛煮一羊脾纔熟而東方

曙蓋近日出入之處也

掃刺部落本在琵琶川幽州東北數百里出古北口是
馬地宜羊馬羊則純黑馬趨前蹄堅善走以狩獵為務
逐獸高山自上而下弓弧縱鏑其勢若飛鮮有覆壓

鬼田國在駁馬國西夜遊晝伏以鹿皮為衣眼鼻耳與
中國人同口在頂上土無米粟噉鹿及蛇

冊府元龜卷九百六十一

欽定四庫全書

冊府元龜卷九百六十二 宋 王欽若等 撰

外臣部

官號 才智 賢行

官號

夫明王慎德四夷咸賓乃有款塞稱藩厥角詣吏奉琛
修貢解辮向化由是典客之職通譯其言執簡之史詳
記其俗故其妃匹之號官稱之品員秩之命數典司之

位局或咸得書於載籍而藏之秘閣焉觀夫疆域殊峙
風軌異化種族之制匪一等威之辨不同仲尼所謂夷
狄之有君蓋與夫雲官鳥紀之說戾矣

東夷扶餘國以六畜名官有馬加牛加狗加其邑落皆
主屬諸加高句驪國後漢時其國置官有相加對盧沛

者古鄒大加

古鄒大加高驪掌賓
客之官如大鴻臚也

主簿優台使者帛衣

先人一說大官有大對盧次有太太兄大兄小兄意侯
奢烏拙太大使者小使者褥奢翳屬仙人并褥薩凡十

三等

復有內
評外評

分掌內外事焉其大對盧則以強弱相凌

奪而自為之不由王之署置也

百濟國其王妻號於陸

夏言
妃也

官有十六品長曰左平五

人一品次大率三十人二品

一作
達率

次恩率三品次德率

四品次杆率五品次奈率六品以上次將德七品服紫

帶次施德八品皂帶次固德九品赤帶次季德十品青

帶次對德十一品文替十二品皆黃帶次武替十三品

次佐軍十四品次振武十五品次克虞十六品

一作
喪虞皆

白帶其冠制並同准奈率以上飾以銀花自恩率以下官無常員各有部力部功德部藥部木部法部後宮部外有司軍部司徒部司空部外舍網部日官部長吏三年一交代畿內有五部部有五卷人居馬部統兵五百人五方各有領一人以達率為之方佐二之方有十郡有將三人以德率為之統兵一千二百人以下七百人以上又內官曰內臣佐平掌宣納事內頭佐平掌庫藏事內法佐平掌禮儀事衛士佐平掌宿衛兵事朝廷佐

平掌刑獄事兵官佐平掌在外兵馬事

新羅國其官有十七等其一曰伊罰干貴如相國次伊

尺干次迎干次破彌干次大阿尺干次阿尺干次乙吉

干次沙咄干次及伏干次大奈摩干次大舍次小舍次

吉士次大烏次小烏次造位外有郡縣

後唐同光初其王金朴英遣倉

部侍郎金樂錄事恭軍金幼卿來朝二年又遣朝散大夫倉部侍郎金岳來朝天成二年遣使中散大夫兵部

侍郎張芬副使兵部郎中朴術法官判官倉部員外郎李忠武來朝長興三年遣使執事侍郎金咄副使司賓大

卿李儒來朝

日本國其大臣朝臣真人者猶中國戶部尚書

倭國其王妻號難彌沒名太子為利歌彌多佛利內官
十有二等一曰大德次小德次大仁次小仁次大義次
小義次大禮次小禮次大智次小智次大信次小信員
無定數有軍尼一百二十人猶中國牧宰八千戶置一
伊尼翼如今里長也十伊尼翼屬一軍尼

大羊同國有四大臣分掌國事

南蠻林邑國尊官有二其一曰西那婆帝其二曰薩婆

地歌其為官三其一曰倫多性次歌倫帝次乙他伽蘭
外官分為二百餘部其長官曰弗羅次曰可輪如牧宰
之差也

赤土國其官有薩陀迦邏一人陀迦邏一人陀挈達又
二人迦利密迦三人共掌政事俱羅未帝一人掌刑法
每城置那耶迦一人鉢帝十人

真臘國其國有五大臣一曰孤落支二曰高相憑三曰
婆何多陵四曰舍摩陵五曰髯羅婁及諸小臣朝於王

者輒於階下三稽首王喚上階則跪以兩手抱膊遠王環坐議政事訖跪伏而去

婆利國官曰獨訶耶挈次曰獨訶氏挈

琉球國有四五帥統諸洞洞有小王往往有村村有鳥了帥并以善戰者為之自相對立理一村之事

南詔蠻謂王為詔謂相為清平官凡置六人其首望有大將軍之號後唐天成元年雋州山後兩林百蠻都鬼主李卑晚羌大鬼主傅能阿花等來朝二年有轉牒稱

督爽大長和國宰相布變等

西域姑

音而遮切

羌國漢時其王號去胡來王

言去離胡戎來附漢

鄯善國有輔國侯卻胡侯

卻音立畧切

鄯善都尉擊車師都

尉左右且渠擊車師君各一人譯長二人

臣欽若等按漢書西域傳

凡國五十自譯長君監吏大祿百長千都尉且渠賞戶將相至侯王皆佩漢印綬

且末國

且音子余切

有輔國侯左右將譯長各一人

小宛國有輔國侯左右都尉各一人

精絕國有精絕都尉左右將譯長各一人

戎盧國有輔國侯左右將左右都尉左右騎君各一人
譯長二人

于闐國有輔國侯左右將左右騎君東西城長譯長各一

人

晉天福三年九月其王李聖文遣殿頭宣旨通使馬繼榮副使黃門將軍張再適人吳順規朝事舍貢

皮山國有左右將左右都尉騎君譯長各一人

蒲犁國漢時有侯都尉各一人

大月氏有五翎侯

翎即
翕字

一曰休密翕侯二曰雙摩翕侯

三曰貴霜翕侯四曰盼頓翕侯五曰高附翕侯皆屬大

月氏

莎車國有輔國侯左右騎君備西夜君各一人都尉二人譯長四人

疏勒國有疏勒侯擊胡輔國侯都尉左右將左右騎君左右譯長各一人

尉頭國有左右都尉左右騎君各一人

烏孫國王號大昆彌有相大祿大將二人侯三人大夫將都尉各一人大監二人大吏一人舍中大吏二人騎

君一人

姑墨國有姑墨侯輔國侯都尉左右將左右騎君各一人譯長二人

溫宿國有輔國侯左右將左右都尉左右騎君譯長各一人

龜茲國有大都尉丞輔國侯安國侯擊胡侯卻胡都尉擊車師都尉左右將左右都尉左右騎君左右力輔君各一人東西南北部千長各二人卻胡君三人譯長四

人

烏壘國有城都尉譯長各一人

尉犂國有尉犂侯安世侯左右將左右都尉擊胡君各一人譯長二人

危須國有擊胡侯擊胡都尉左右將左右都尉左右騎君擊胡君譯長各一人

焉耆國有擊胡侯卻胡侯輔國侯左右將左右都尉擊胡左右君擊車師君歸義車師君各一人擊胡都尉擊

胡君各二人譯長三人

烏貪訾離國有輔國侯左右都尉各一人

卑陸國有輔國侯左右將左右都尉左右譯長各一人

卑陸後王國有輔國侯都尉譯長各一人

郁立師國有輔國侯左右都尉譯長各一人

單桓國有輔國侯將左右都尉譯長各一人

蒲類國有輔國侯左右將左右都尉各一人

蒲類後國有輔國侯將左右都尉譯長各一人

西且彌國

且音子余切下同

有西且彌侯左右將左右騎君各

一人

東且彌國有東且彌侯左右都尉各一人

却國有輔國侯都尉譯長各一人

孤胡國有輔國侯左右都尉各一人

山國有輔國侯左右將左右都尉譯長各一人

車師前王國有輔國侯安國侯左右將都尉歸漢都尉

車師君通善君鄉善君各一人

鄉讀曰嚮

譯長一人

波斯國其王曰盪噴妃曰防步率王之諸子曰殺野大
官有模胡檀掌國內獄訟泥忽汗掌庫藏開禁地卑掌
文書及衆務次有遏羅訶地掌王之內事薛波勃掌四
方兵馬其下皆有屬官分統其事

大秦國其王都城分為五城各方五里王居中城城置
八臣次主四方而王城亦置八臣分主四城若謀國事
及四方有不決者則四城之臣集議王所王自聽之然
後施行

女國以女為主有小女王共知國政女王之夫號曰金聚不知政事

東女國女王號為賓就有女官曰高霸評議國事在外官僚並男夫為之

高昌國官有令尹一人比中夏相國次有公二人皆其王子也一為交河公二為田地公次有左右衛次有八長史曰吏部祠部庫倉部主客禮部民部兵部等長史也次有達陵江殿中伏波等將軍次有八司馬長史之

副也次有侍郎校郎主簿從事階位相次分掌諸事次有省事掌導引其大事決之於王小事則世子及二公隨狀斷決評章錄記事訖即除籍書之外無事久掌文案官人雖有列位並無曹府唯每旦集於牙門評議衆事諸城各有戶曹每城遣司馬侍郎監檢校名為城令回紇隋時稱特勒唐貞觀末自號可汗署官號皆如突厥故事開元中有九部落置都督十一人代宗時遣使冊命可汗及其妻可敦并封左右殺胡祿都督拔覽將

軍內外宰相已下

白狗羌有品籠官五品籠官

吐蕃號其王為贊普置大論小論以統理國事雖有官不常厥職臨時統領

北狄匈奴單于者廣大之貌也言其象天單于然也漢

時其國置左右賢王左右谷蠡

谷音鹿 蠡音盧 莫切

左右大將左

右大都尉左右大當戶左右骨都侯匈奴謂賢曰屠耆故嘗以太子為左屠耆王自左右賢王以下至當戶大

者萬餘騎小者數千凡二十四長立號曰萬騎其大臣

皆世官呼衍氏蘭氏

呼衍即今鮮卑姓呼延者是也蘭姓今亦有之

其後須卜

氏此三姓其貴種也而左右賢王左右谷蠡取大國左

右骨都侯輔政諸二十四長亦各自置千長百長行長

什裨小王

裨音頻
移切

相都尉當戶且渠之屬

且音子余切
相之阻渠姓

蓋本因
此官

後漢時其大臣貴者左賢王次左谷蠡王次右

賢王次右谷蠡王謂之四角次左右日逐王次左右温

禺鞮王次左右漸將王是謂六角皆單于子弟次第當

單于者也異姓大臣左右骨都侯次左右尸逐骨都侯
其餘日逐且渠當戶諸官號各以權力優劣部衆多少
為高下次第焉至晉時其官號有左賢王右賢王左奕
蠡王右奕蠡王左於陸王右於陸王左漸尚王右漸尚
王左朔方王右朔方王左獨鹿王右獨鹿王左顯祿王
右顯祿王左安樂王右安樂王凡十六等皆用單于親
子弟也其左賢王最貴唯太子得君之其四姓有呼延
氏卜氏蘭氏喬氏而呼延氏最貴則有左日逐右日逐

世為輔相卜氏則有左沮渠右沮渠蘭氏則有左當戶
右當戶喬氏則有左都侯右都侯又有車陽沮渠餘地
諸雜號猶中國百官也

吐谷渾晉末自稱沙州刺史其官置長史司馬將軍魏
周之際始稱可汗官有王公僕射尚書及郎中將軍之
號

烏桓

亦作丸

國有勇健能理決鬪訟者推為大人無世業

相繼邑落各有小帥數百千落自為一部大人

蠕蠕國千人為軍軍置將一人百人為幢幢置帥一自稱為可汗其俗君及大臣因其行能即為稱號若中國立謚既死之後不復追稱

突厥後魏時自稱可汗號其妻為賀可敦其子弟謂之特勒別部領兵者謂之設其大官屈律吸次阿波次頡利發次吐屯次俟斤其初國貴賤官號凡有十等或以形體或以老小或以顏色鬚髮或以酒肉或以獸名其勇健者謂之始波羅亦呼為莫賀弗肥鹿者謂三大羅

大羅便酒器也似角而麕短體貌似之故以為號此官特貴唯其子弟為之謂老為哥利故有達官謂馬為賀蘭故賀蘭蘇尼闕蘇尼掌兵之官也謂黑色者為珂羅復故有珂羅啜官甚高者年者為之謂髮為索葛故有索葛吐屯如州縣官也謂酒為匭你熱汗故有熱汗賞監察非違釐整班次謂肉為安禪故有安禪具泥掌家事如國官也有時置附隣可汗隣狼名也取其貪殺為稱亦有可汗位在葉護下者或有居家大姓相呼為遺

可汗者突厥呼屋為遺言屋可汗也其後大官有葉護
次設特勒次俟利發次吐屯發餘小官凡二十八等皆
世襲焉

西突厥本與北突厥同祖其官有葉護有設特勒常以
可汗子弟及宗族為之又有乙斤屈利啜間漢達頡利
發吐屯俟斤等官世襲其位

奚有五部每部置俟斤一人為其帥其後部有刺史縣
有令長其大首領號奚王唐置饒樂府以其王為都督

南室韋有二十五部有餘莫弗瞞咄猶酋長也

北室韋有九部其渠帥號乞引莫賀咄每部有莫何弗三人以貳之

契丹有八部每部皆號大人內推一人為主

唐末耶律阿保機自稱國王其後乃稱皇帝署中國官號國人號保機為天皇王有子三人長人皇王次元帥太子幼安端少君

渤海國唐中宗時封大祚榮為渤海郡王其俗呼其王

為可毒夫對面為聖王牋表呼基下父曰老王母曰太妃妻曰貴妃長子曰副王諸子曰王子世以大氏為首長

才智

要荒之服蠻夷是居北方之疆世習其俗丹穴之智時有其人豈地氣之使然抑天性之斯異或計慮之惟允或辭辯之可觀懷英果之才申嚴于族類慕華夏之德竊覽于典章若能堅柔服之心草忿鷙之性奉順王命

自異匪人雖欲謂之異域其可得乎今採其才智之士

著于錄

戎子駒支

駒支戎子名

魯襄公十四年晉士匄

范宣子也

會諸侯

之大夫會于向將執駒支范宣子親數諸朝

行之所在亦設朝位

曰來姜戎氏昔秦人追逐乃祖吾離于瓜州

四嶽之後皆姜姓又

別為允姓瓜州地在今燉煌

乃祖吾離被苫蓋

蓋苫之別名

蒙荆棘以來

歸我先君

蒙冒也

我先君惠公有不腆之田

腆厚也

與女剖

分而食之

中分為剖

今諸侯之事我寡君不如昔者蓋言語

漏洩則職女之繇

職主也

詰朝之事爾無與焉

詰朝明旦不使復得

與會事

與將執女對曰昔秦人負恃其衆貪于土地逐我

諸戎惠公蠲其大德

蠲明也

謂我諸戎是四嶽之裔胄也

四嶽堯時方伯姜姓也裔系也胄後也

毋是翦弃

翦削也

賜我南鄙之田狐

狸所居豺狼所嗥我諸戎除翦其荆棘驅其狐狸豺狼以為先君不侵不叛之臣至于今不貳

不內侵亦不外叛

昔文

公與秦伐鄭秦人竊與鄭盟而舍戍焉

事在魯僖公三十年

於是

乎有殺之師

事在魯僖公三十三年

晉禦其上戎亢其下

亢猶當也

秦

師不復我諸戎實然譬如捕鹿晉人角之諸戎倚之其

足與晉踣之也踣僵也戎何以不免自是以來晉之百役與

我諸戎相繼于時言給晉役不曠時以從執政猶殺志也意常如殺

無有二也豈敢離邊今官之師旅無乃寔有所闕以攜諸侯

而罪我諸戎我諸戎飲食衣服不與華同贄幣不通言

語不達何惡之能為不與於會亦無費也晉閔賦青蠅而

退青蠅詩小雅取其愷悌君子無信讒言宣子辭焉使即事於會成愷悌

也成愷悌不信讒也不書者戎為晉屬不得特達

漢匈奴單于冒頓既立時東胡強迺使使謂冒頓曰欲

得頭曼時號千里馬

頭曼即冒頓父也曼音莫安切

冒頓問羣臣皆曰

此匈奴寶馬也勿予

讀曰與

冒頓曰奈何與人鄰國愛一

馬乎遂與之頃之東胡以為冒頓畏之使謂冒頓曰欲

得單于一闕氏

闕氏匈奴皇后號也闕音於連切氏音支

冒頓復問左右左

右皆曰東胡無道迺求闕氏請擊之冒頓曰奈何與人

鄰國愛一女子乎遂取所愛闕氏子東胡東胡王愈驕

西侵與匈奴中間棄地莫居千餘里各居其邊為甌脫

甌音一侯切脫音士活切境上
候望之處若今之伏宿舍也

東胡使使謂冒頓曰匈

奴與我界甌脫外棄地匈奴不能至也吾欲有之冒頓
問羣臣或曰此棄地與之於是冒頓斬之冒頓上馬令
國中有後者斬遂東襲擊東胡東胡初輕冒頓不為備
及冒頓以兵至大破滅東胡王虜其民衆畜產而歸
後漢烏丸大人蹋頓多畫計策

鮮卑軻比能本小種鮮卑以勇健斷法平端不貪財物
衆推以為大人部落近塞自表紹據河北中國人多亡

叛歸之教作兵器鎧楯頗學文字故其勒御部衆擬則
中國出入弋獵建立旌麾以鼓節為進退

晉吐谷渾視罷性英果有雄畧嘗從容謂博士金城騫
苞曰易云動靜有常剛柔斷矣先王以仁宰世不任威
刑所以剛柔靡斷取輕鄰敵當仁不讓豈宜拱默者乎
今將秣馬厲兵爭衡中國先生以為何如苞曰大王之
言高世之畧秦隴英豪所願聞也於是虛襟撫納衆赴
如歸

吐谷渾葉延長而沈毅好問天地造化帝皇年歷司馬
薄落鄰曰臣等不學實未審三皇何父之子五帝誰母
所生延曰自羲皇以來符命元象昭言著見卿等面牆
何其鄙哉語曰夏蟲不知冬冰良不虛也又曰禮云公
孫之子得以王父字為氏吾祖始自昌黎光宅於此今
以吐谷渾為氏尊祖之義也

後魏回紇菩薩善籌策以少制衆常以戰陣射獵為務
其母烏羅渾主知諍訟之事平決嚴明部內齊肅

唐馮盎高州良德人代為本郡大首領隋開皇中潮成
五州獠叛盎馳至京請討之文帝勅左僕射楊素與盎
論賊形勢素驚曰不意蠻夷中有此人大奇武德中授
高州總管累封國公盎勤於簿領詰摘姦伏甚得人情
新羅王真德以高宗永徽元年織錦作五言太平頌以
獻之其詞曰大唐開洪業巍巍皇猷昌止戈戎衣定修
文繼百王統天崇雨施利物體含章深仁諧日月撫運
邁時康幡旗何赫赫鉦鼓何鏗鏘外夷違命者剪覆被

天殃淳風凝幽顯遐邇競呈祥四時和玉燭七曜巡萬
方維嶽降宰輔維帝任忠良五三成一德昭我唐家光
帝嘉焉

仲琮為吐蕃大臣咸亨三年吐蕃遣仲琮來朝先是仲
琮年少時嘗充質入朝詣太學生例讀書頗曉文字至
是帝召入賜宴甚優禮之問曰汝國贊府孰與其祖為
賢對曰雄勇果斷不及其祖然勤於聽理下不敢欺亦
令主也且吐蕃土風寒苦物產貧薄所部邏婆川唯有

楊柳人以為資更無草木烏海之南盛夏積雪冬則羊裘數重暑月猶衣裘褐贗府春夏每隨水草秋冬始入城隍但施廬帳又無屋宇文物器用豈當中夏萬分之一但其國法嚴整上下齊力議事則自下而起因人所利而行之斯所以能持久也帝曰吐蕃與吐渾本是甥舅之國素和貴叛主奔走吐蕃納之信其間隔侵逼渾國招其叛士奪其土地我遣薛仁貴等安輯慕容之衆吐蕃掩其不備伏甲擊破之既又寇逼涼州欲陷城堡

其故何也對曰臣受命貢獻而已攻戰之事非臣所得預聞也帝厚賜而遣之

薛贊婆為吐蕃首領其父祿東贊領解兵術吐蕃贊府以國事委之講兵訓師雅有節制吐蕃之并無諸羌雄霸本土東贊有力焉東贊有子五人長曰贊悉若次欽陵次贊婆次悉多干次勃論東贊死欽陵兄弟後專其國欽陵每多居中諸弟分提方面贊婆則專在東境與中國為鄰三十餘年常為邊患其兄弟皆有才畧諸蕃

憚之

突厥毗伽可汗小殺開元中謀欲南入為寇其謀主曠
欲谷曰唐主英武人和年豐未有間隙不可動也且休
息我衆觀變而舉小殺又欲修築城壁造立寺觀曠欲
谷曰不可突厥人戶寡少不敵唐家百分之一分所以
常能抗拒者正以隨逐水草居處無常射獵為業人皆
習武強則進兵抄掠退則窟伏山林唐兵雖多無所施
用若築城而居改變舊俗一朝失利必將為唐所併且

寺觀之法教人仁弱本非用武爭強之道不可置也小
殺等深然其計八年冬御史大夫王峻為朔方大總管
奏請西徵拔悉密東發奚契丹兩蕃尅期掩突厥衙帳
於稽落河上小殺聞之大恐瞰欲谷曰拔悉密今在北
庭與兩蕃東西相去極遠勢必不合王峻兵馬計亦無
能至此必若能來候其臨到即移衙帳向北三日唐兵
糧盡自然去矣且拔悉密輕而好利聞命必是先來王
峻與張嘉貞不叶奏請有所不愜必不敢動若峻兵馬

不來拔悉密獨至突厥欲擊之噉欲谷曰此衆去國千里必將死戰未可也不如以兵躡之去北庭二百里噉欲谷分兵間道先掩北庭因縱兵擊拔悉密之還衆遂散走投北庭而城陷不得入盡為突厥所擒并虜其男女而還噉欲谷廻兵因出赤亭以掠涼州牛馬涼州都督楊敬述為噉欲谷所敗小殺由是大振盡有默啜之衆

南詔異牟尋頗知書有才智善撫其衆

賢行

夫天生蒸民夷夏雖異而所稟之性或善或惡復何殊哉故仲尼稱有教無類蓋謂是矣若乃薦仁孝之道敦愛敬之風感慨以報仇謙退而行讓或崇其信誓或守之端慤或殉葬以見志或憂國以殞命或俯從忠謹之諫或力行博施之義自餘從容知禮寬厚得衆者抑又其次焉咸著之篇以示於後

西羌東吾湏吾子也湏吾後漢明帝永平中降漢東吾

立以父降漢乃入居塞內謹愿自守

百濟其先夫餘王東明之後有仇台篤於仁信始立國
於帶方

高驪王名宮將叛於魏其臣句驪沛者名得來數諫宮
宮不從其言得來歎曰立見此地將生蓬蒿遂不食而
死舉國賢之

吐谷渾辟奚性仁厚慈惠三弟皆專恣長史鍾惡地恐
為國害謂司馬乞宿雲曰昔鄭莊公秦昭王以一弟之

寵宗祀幾傾況今三孽並驕必為社稷之患吾與公忝當元輔若獲保首領以没于地先君有問其將何辭吾今誅之矣宿雲請白辟奚惡地曰吾王無斷不可以告於是因羣下入覲遂執三弟而誅之辟奚自投於淋惡地等奔而扶之曰臣昨夢先王告臣云三弟將為逆亂汝速除之臣謹奉先王之命矣辟奚素友愛因恍惚成疾謂世子視連曰吾禍滅同生何以見之於地下國事大小汝宜攝之吾餘年殘命寄食而已遂以憂卒視連

幼廉慎有志性視連既立以父憂卒不知政事不飲酒
遊畋七年矣鍾惡地進曰夫人君者以德御世以威齊
衆養以五味娛以聲色此四者聖帝明王之所先而公
皆畧之昔昭公儉嗇而喪偃王仁義而凶然則仁義所
以存身亦所以亡已經國者德禮也濟世者刑法也二
者或差則綱維失緒明公奕葉重光恩結西夏雖仁孝
發於天然猶宜憲章周孔不可獨追徐偃之仁德委而
不逮視連泣曰先王追友于之痛悲憤升遐孤雖績業

尸存而已聲色遊娛豈所安也綱維刑禮付之將來臨終謂其子視羸曰我高祖吐谷渾公嘗言子孫必有興者永為中國之西藩慶流百世吾已不及汝亦不見當在汝之子孫輩耳

葉延年十歲其父吐延為羌酋姜聰所害每旦縛草為姜聰之象哭而射之中之則號泣不中則瞑目大呼其母謂曰姜聰諸將已屠膾之矣汝何為如此葉延泣曰誠知射草人不益於先讐以申罔極之志耳性至孝母

病五日不食葉延亦不食

焉者國王龍安夫人猶胡之女妊身十二月剖脅生子
曰會立之為世子會少而勇傑安病篤謂會曰我嘗為
龜茲王白山所辱不忘於心汝能雪之乃吾子也及會
立襲滅白山遂據其國

叱干阿利叱干部他斗伏兄子也赫連勃勃父衛辰為
後魏殺之勃勃奔于叱干部叱干他斗伏送勃勃於魏
阿利先成大落川聞將送勃勃馳諫曰鳥雀投人尚宜

濟免况勃勃國破家亡歸命於我縱不能容猶宜任其所奔今執而送之深非仁者之舉他斗伏懼為魏所責弗從阿利潛遣勁勇募勃勃於路送於姚興高平公沒奕于以女妻之

馬邑族奴真後魏初領部來附奴真兄捷先居賀蘭部至是奴真請名捷而讓部焉道武義而許之

蛭拔寅勅韋部人也蛭拔寅兄地干坐盜食官馬依制命死拔寅自誣已殺實非兄殺兄弟爭死辭不能定唐

高祖詔原之

康國王字代失畢為人寬厚甚得衆心

胡祿達官吐渾邪頡利臣也頡利卒渾邪等自刎以殉
渾邪者頡利之母娑施氏之媵臣也頡利初誕以付渾
邪至是哀慟而死唐太宗聞而異之贈中郎將仍葬於
頡利墳側詔中書侍郎岑文本製頡利及渾邪之事以
紀之

吐蕃相祿東贊貞觀十五年來朝先是許以文成公主

出降贊普遣祿東贊來迓召見顧問進對合旨詔以瑯邪公主外孫女妻之祿東贊辭曰臣本國有婦少小夫婦雖復至尊殊恩奴身不願違棄舊婦且贊府未謁公主陪臣安敢輒娶太宗嘉之欲撫以厚恩雖竒其答而不遂其請乃以為右衛大將軍

阿史那社爾突厥處羅可汗第二子也初在本藩號為拓設分部落以統之及處羅卒毀瘠三載在位十年無所課歛或鄙其所為不能富貴社爾曰部落既豐於我

便足有識者稱之叔父頡利黠於用武社爾屢諫不聽
乃辭頡利歸於所部

百濟王義慈事親以孝行聞友于兄弟時人號為海東曾
閔

突厥苾伽可汗開元二十一年遣其大臣葛阿默察之
來朝獻馬五十匹謝恩也初苾伽之弟闕特勒死苾伽
表請巧匠寫其真詔遣畫工六人往焉既畫工妙絕倫
突厥國內未之見者苾伽每觀畫處歔歔如弟每生悲

涕不自勝故遣察之謝恩且送畫人也

尉遲勝于闐質子也廣德中以勝為毗沙府都督于闐王令還國勝固請留宿衛加開府儀同三司封武都王實封百戶勝請以本國王弟曜詔從之勝乃於京師修行里盛飾林亭以待賓客好事者多訪之建中末從幸奉天為兼御史中丞帝在興元勝為右領軍將軍俄遷右威衛大將軍歷睦王傳貞元初曜遣使上疏稱有國已來代嫡承嗣兄勝既讓國請立勝子銳帝乃以銳為

檢校光祿卿兼毗沙府長史還國勝固辭且言曰曜久
行國事人皆悅服銳生於京華不習國俗不可遣往因
授韶王諮議兄弟讓國人多稱之

乾
陞
寶
寶

冊府元龜卷九百六十二